

## 【教育部新聞稿】

### 教育部 115 年 7 月臺灣台語認證考試這馬開始報名

( [新聞稿音檔](#) )

發布日期：115 年 4 月 15 日

發稿單位：終身教育司

承辦人：甘佩玉

電話：(02)7736-6812

E-mail：celinegan@mail.moe.gov.tw

新聞聯絡人：蔡忠武科長

電話：(02)7736-6801

---

教育部 115 年 7 月的臺灣台語認證考試，對這馬就開始報名，時間到 5 月初 8 下晡 5 點，無限定身份，凡若有興趣的人，攏通對線頂報名。另外嘛歡迎逐家相招來報團體組，予恁兩人就通攏一團，閣再若攏報全卷，咱會優先共恁排佇全一間學校考，予恁有伴省得閣相揣，一好恰一 gâi 若甲是世間代，咱干干仔就兩好欲來相安排。115 年 7 月這場的考試分兩工考兩卷。7 月 25 ( 拜六 ) 先考 A 卷；B 卷就 7 月 26 ( 禮拜 ) 才來考。考試報名費 250 箍，若 19 歲以下的咱特別 sa̍-bì-sù 免祛錢。測驗所有的項目 ( 聽、講、讀、寫 4 項 ) 若攏有考齊著的，咱猶有攢 1 份紀念品欲來相送。

嘛著特別提醒考生的是，明年 A、B、C 三卷考試攏齊改做「電腦化測驗」( 其中書寫測驗原在用紙筆作答 )。閣再，猶未讀冊的細漢囡仔 ( 6 歲以下 ) 抑是歲頭較濟 ( 65 歲以上 ) 的人若欲考 A 卷，家己自覺欲改用電腦考試加減會有困難的，嘛通申請特殊服務，詳細說明請看刊佇考試網站頂懸的簡章內容。電腦化考試對考生敢會齊合路？教育部也都真猛醒，萬項替咱考慮甲到到到，今嘛有佇認證考試網站的「自學資源」專區，設一个「電腦化測驗線頂模擬平台」，歡迎考生才較捷來試用看覓咧，予咱通冗早適應。

另外，除了考試方式改用電腦測驗，考生的成績若是達到各級的通過標準，115 年開始會改寄電子證書。無紙化毋但是環保，也省去寄送的時間，閣再考生嘛免驚證書會拍無抑是各樣去，予咱省事事省，嘛免驚證書會有假包，咱政府也有設「教育部電子證書驗證系統」通查證。

有關考試的資訊，攏有共刊佇認證考試的網站矣，佇「最新消息」遐就查會著。若猶有其他考試相關的問題，才請聯絡承辦單位國立臺灣師範大學。電話服務專線：(02)7749-9511；嘛有服務信箱：ttg.sce@deps.ntnu.edu.tw。